

## **Publicaziuns officialas dils 21 da fevrer 2025**

### **Vischnaunca Trun**

#### **Prolungaziun dalla zona da planisaziun vertenta**

A caschun dalla sesida dils 20 da schaner 2025 ha la suprastanza communal decidiu da prolunghir la zona da planisaziun vertenta dapi ils 15 da fevrer 2019 per dus onns. La zona da planisaziun vala, tenor art. 21 dalla lescha davart la planisaziun dil territori per il cantun Grischun (LPTGR), per igl entir territori da vischnaunca e ha las suandontas finamiras da planisaziun:

- a) Examinar ina reducziun dallas zonas da baghegiar (zonas da habitar, zonas mischedadas e zonas da center) tenor las prescripziuns egl art. 15 al. 1 e 2 dalla lescha da planisaziun dil territori federala (LPT) e tenor las prescripziuns dil plan directiv cantunal dils 20 da mars 2018.
- b) Realisar las ulteriuras pretensiuns tenor igl art. 15 LPT sco era tenor il PDC-H cantunal dils 20 da mars 2018, en special quei che pertucca la promoziun d'in svilup da habitadis d'aulta valur da construcziun egl interneda renovar ils habitadis (PDC-H, cefra 5.1.2, instrucziuns d'agir).

Ella zona da planisaziun astga vegnir fatg nuot che savess engreviar la nova planisaziun ni che savess cunterfar a quella. Damondas da baghegiar astgan mo vegnir lubidas, sch'ellas cunterfan ni allas prescripziuns cun vigur legala ni allas novas planisaziuns e prescripziuns previdas (cumpareglia art. 21 al. 2 LPTGR). La suprastanza communal fa la resalva ch'ella sa concretisar la zona da planisaziun da tut temps tenor il stan da planisaziun vertent respectivamein ch'ella sa adattar la zona da planisaziun al stan da planisaziun mintgamai actual.

Il departement d'economia e fatgs socials ha approbau ils 13 da fevrer 2025 la prolungaziun dalla zona da planisaziun. La zona da planisaziun vala aschia per ulteriurs dus onns e va en vigur cun questa publicaziun. Il relasch dalla zona da planisaziun sa vegnir contestaus enteifer 30 dis a partir dalla publicaziun officiala cun in recuors da planisaziun tier la Regenza (art. 101 al. 1 LPTGR).

Vischnaunca Trun, ils 21 da fevrer 2025

*Per la suprastanza communal*

*Dumeni Tomaschett, president communal*

*Sandra Gautschi, actua*

## **Scamond da carrar sin vias d'ual e funsilas**

Ei vegn adina puspei constatau ch'ei vegn carrau sin las vias d'ual e sin vias funsilas durant ils meins d'unviern. En il reglament per far diever dallas vias d'ual cun vehichels a motor respectivamein en il reglament pil manteniment dall'ovra da meglieraziun Schlans ei il diever dallas vias reglaus. Senza ina lubientscha correspondentia ei il carrar sin talas vias scumandau. Las lubientschas vegnan dadas ora el decuors digl avrel respectivamein naven dil mument che las vias laian tier in carrar segir. Surpassaments san vegnir castigai.

*Suprastonza communal Trun*

## **Tagl da lenna Fuorn-Stretga / parcadi Cartatscha**

Actualmein ei la grupp forestala vid in tagl da lenna a Fuorn resp. Stretga sur Cartatscha. La lenna vegn sgulada cun il helicopter giu sin il plaz a Cartatscha. Ord quei motiv sto il parcadi vegnir serraus naven da gliendisdis ils 24 da fevrer entochen venderdis ils 7 da mars 2025 per tut il traffic. Parcar vehichels sin quei plaz ei durant quei temps scumandau.

*Uffeci forestal Trun*

## **Mortori**

Cagienard Giuli, naschius ils 17 d'uost 1947 e morts ils 14 da fevrer 2025.

*Controlla da habitonts Trun*

## **Apparats d'udida**

**Gliendisdis, ils 3 da mars 2025** saveis Vus schar schubergiar e rugalar Vies apparat d'udida:

09.15 – 10.30 en Casa sogn Martin a Trun

11.00 – 11.45 en Casa sogn Giusep a Cumpadials

13.15 – 14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprendan comunablamein quei survetsch gratuit per tuts interessents. Ei drova negina annunzia.

## **Tscheiver pils pensiunai 60plus**

**Venderdis, ils 28 da fevrer 2025** allas 13.30–17.00 en sala da cultura Trun. Cordialmein envida

*La grupp da pensiunai dall'uniun da dunnas Trun*

## **Information connecta ag / Repower**

### **Leitungsunterbruch Glasfasernetz Ilanz – Sedrun**

Geschätzte Einwohner. Infolge Abbruchs des RhB Bahnhofs in Ilanz muss eine Glasfaser-Hauptleitung der Repower in Ilanz unterbrochen und umverlegt werden. Diese Hauptleitung versorgt die gesamte obere Surselva.

Damit die Beeinträchtigung der Kunden möglichst klein bleibt, erfolgen die Arbeiten während der Nacht. Die Kommunikationsverbindungen und -dienste sind während folgender Zeiten unterbrochen: **Dienstag, 25.2.2025**, 00.00–06.00 Uhr

Die Dienstleistungen stehen Ihnen nach der Umlegung der Kabel wie gewohnt zur Verfügung. Bei allfälligen Fragen stehen wir Ihnen gerne zur Verfügung. Wir entschuldigen uns für die Unannehmlichkeiten und danken für Ihr Verständnis.

*Ihre connecta ag*

## **Tscheiver a Trun**

**Sonda, ils 22 da fevrer 2025** ha liug il tradiziunal di da tscheiver a Trun.

### **Program**

- 06.30: Bien di Zignau
- 07.15: Bien di Trun
- 12.00: La via principala atras il vitg vegn serrada
- 13.30: Til atras il vitg
- 15.30: Concert dallas musicas da tscheiver sin il plaz da scola
- 20.00: Concert monstrus ed avertura dalla Oldies Bar sin il plaz da scola
- 21.00: Avertura dalla sala dil center communal cun sera da sault e producziuns dallas musicas da tscheiver

Nus havein grond plascher da festivar cun vus il di da tscheiverTrun. Bugen beneventein nus vus suenter il til sil plaz da scola, nua che vein preparau diversas purschidas da maglias e bubrondas. Nus selegrein da vossa viseta.

*Musica da tscheiver, Las Lieurs da Trun*

## **Scola da musica Surselva**

La Scola da musica Surselva porscha il suandont cuors:

Ritmica per affons pigns (annadas 2019 e 2020) a Trun (aula scola Trun)

Scolasta: Gabriela Tambornino

mardis, 14.05 – 14.55 (8 lechiuns): 11.3. / 18.3. / 25.3. / 1.4. / 8.4. / 15.4. / 29.4. / 6.5.2025

Bugen spitgein l'annunzia tochen ils 3.3.2025.

Formulars ed ulteriuras informaziuns anfleis sut [www.bzs-surselva.ch](http://www.bzs-surselva.ch) (annunzia online).

*Center da formaziun Surselva CFS*